

Debi cu TV Mericano a haya OK pa bay graba den Prison!

Joran a bula cabez di Director di KIA

ORANJESTAD (AAN): Diaranzon atardi a tuma lugar un caso sumario hopi excepcional den corte relaciona cu grabacionnan cu un team di television Mericano a haci den KIA dilanti porta di cel di e sospechoso Joran van der Sloot kende ta deteni relaciona cu e caso di desaparicion di e mucha Natalee Holloway.

Un team di e canal di television Mericano, NBC / MSNBC tabata tin ayera un cita cu director di KIA, señor Freddy Maduro pa haci entrevista cu e director y cual entrevista riba su mes no tabata nada inusual, pero loke a pasa despues cu e director di KIA a worde entrevista y unda e director mes a cana bay cu e periodistanan Mericano te na porta di cel di Joran van der Sloot, a crea un revolucion hudicial hamas bisto den historia penal di pais Aruba.

FREE-TOUR

CU A SACUDI

ARUBA COMPLETO

Segun informacionnan cu DIARIO a haya, e director di KIA a declara cu enberdad e TV Crew di Merca a bay pa haci entrevista cu e director y pa cual entrevista e tabata haya cu e como director di KIA tabata tin tur autoridad pa tene entrevista cu e canal di television.

Despues di a entrevista e director di KIA e team di periodistanan hunto cu nan camarografo a haya un recorrido den algun seccion di KIA, manera entre otro e seccion unda hende muher ta deteni y na un dado momento nan a pasa banda di e seccion unda cu Joran van der Sloot ta deteni.

Ora cu e periodistanan Mericano a wak Joran ta mesora nan a cuminsa bati riba e bentana di glas cu ta separa nan di e seccion di detenidonan y ey ta caminda cu e problema grandi a cuminsa pasobra hunto cu e director nan a drenta y bay te na porta di cel di Joran van der Sloot y a cuminsa filma Joran y haci pregunta na su persona.

JORAN A KEDA

NADA CONTENTO

Esaki ta loke a worde treci

den corte ayera di parti di abogadonan defensor di Joran despues cu abogado di e canal di television a trece pa dilanti cu segun informacion cu el a haya di su cliente, cu no tabata asina cu intencionalmente e Mericanonan a bay na un manera di triki pa logra di filma y entrevista Joran van der Sloot.

Despues cu hues a scucha e abogadonan di ambos banda, el a duna Joran oportunidad pa duna su banda di medaya unda cu Joran a bisa cu na ningun momento el a bisa of muestra cu e tabata permiti pa e periodistanan Mericano bin te na su cel pa filma su persona y enteviste.

Segun Van der Sloot el a haya su mes confronta cu e periodistanan Mericano y e no tabata tin ningun opcion pa bay sconde of trata na evita cualkier forma di entrevista of filmacion



>> Director di KIA.

pasobra te hasta den e baño di e cel e no por a bay sconde debi cu un otro detenido tabata den e baño.

TWO FRIENDS SAY "HI"

E periodistanan Mericano a puntra Van der Sloot con ta bay cune y riba esey el a contesta nan cu e ta bon y despues nan a bise cu e ta haya saludos di dos amiga di dje, pero ora nan kier a sigui haci pregunta y sigui cu filmacion, el a bisa nan cu e no tabata kier esey, pero e no tabata tin caminda pa huy of sconde y tampoco tabata tin

posibilidad di tapa su culpa y cu e tabata den un carson cortico (boxer short bisti).

Abogado di e periodistanan Mericano a trece pa dilanti entre otro cu segun sentencianan dicta na Hulanda, den por ehempel e caso di e muselman kende a mata e cineasta Van Gogh, e balor di foto di e sospechoso pa prensa mirando e peso di e caso, ta uno di importancia grandi pa publico haya como informacion y esey ta un tarea importante pa prensa cumpli cune.

Despues di un schorsing di algun minuut hues a dicta sentencia unda el a haya cu privacidad di Van der Sloot a worde viola y cu Van der Sloot no tabata tin ningun posibilidad pa evita e filmacion y entrevista cu el a worde confronta cune y tambe hues a rechaza e argumentonan encunto cu e filmacion di Van der Sloot

tabata tin cualkier balor pa worde publica.

Huez a dicta sentencia unda cu e canal di television Mericano ta worde prohibi pa transmiti loke nan a filma na KIA y si nan haci tal tog nan lo worde confronta cu un boet di 1 miyon Florin pa cada transmision.

BULAMENTO

DI CABEZ

Diaranzon anochi mes director di KIA, señor Freddy Maduro kende tambe tabata presente den Corte, a haya notificacion cu por lo pronto 'per direct' el a worde oficialmente suspendi te proximo aviso.

E caso aki ta uno cu a crea problemanan grandi pa varios hende involvi y cual caso lo bay haya un rabo basta largo.

Pues mirando e asunto for di cierto angulo, por bisa cu sinceridad cu "Joran a bula cabez di Director di KIA".

NOS SI POR MAS!!



Aug. 2
10 yea
cantida
matrim
ZAHIE
ALLI
kisses
prinses
di nan
famia A
sernan
cumpli
union t
cosnan
May G
that yo
(honey
tambe
(via Int

Ta
di
B
Y
fe